

Республикалық көркем-әдеби, әлеуметтік-қоғамдық журнал

Жер * жұлдан

№3-4 наурыз-сәуір 2016 жыл



АЛИАКБАРОВА

Фатима Маметқалиқызы,

Алматы қаласындағы

№148 мектеп-гимназиясының директоры



Атақты дирижердің аяулы қызы

11

Қазақта «Текіден текті туады, тектілік тұқым қуалайды» деген ұлы сөз бар. Қанмен келген қасиет түптің түбінде жарыққа шығады.

Қазақ тарихында, өнерінде, ғылымында Жұбановтар тегінен тараған әулет өкілдерінің өнегелі өмірі, халқына жасаған қызметтері ұшан-теңіз. Тегіне тартқан тегін болмайды. Сондай дара тұлғалардың бірі – 1941 жылы 5 сәуірде Ахмет Жұбановтың отбасында дүниеге келген – Жұбанова Ажар Ахметқызы, әл-Фараби атындағы Қазақ ұлттық университетінің биология және биотехнология факультетінде белгілі ғалым-микробиологі, Қазақстан Ұлттық Жаратылыстану ғылымдары Академиясының академигі, биология ғылымдарының докторы, профессоры.

Профессор А.А.Жұбанованың Қазақстандағы жоғарғы білімді қайта құруда еңбегі зор – ағылшын, қазақ және орыс тілдерінде әдістемелік оқыту құралдарын, ядролық физика Институтымен бірігіп жүргізілген «Экологиялық дүрбелеңнен кейінгі топырақ биоремедиациясы» курсының бағдарламаларын жазды, бұл еңбек Қазақстанның Сорос қоры конкурсында жеңіске жетті. Ғалым-педагог А.А.Жұбанова бірнеше рет Ресей, ҚХР, Испания, АҚШ, Пәкістан, Германия және т.б. мемлекеттерде өткен Халықаралық конференциялар мен стажировкаларға қатысқан. Аахен Университетінде (Германия) колданбалы ғылымдар ғалымдарымен бірігіп 3 философия докторын (pHd) дайындаған.

ҚР мекемелердің қаржыландыруымен жүргізілетін ғылыми жобаларға қатысып, үнемі ізденуінің арқасында оның басқаруымен 20 кандидаттық, 5 докторлық және 3 PhD диссертациялары қорғалып, 300 астам еңбек басып шығарылды.

Ажар Ахметқызы Жұбанова марапаттарына тоқталатын болсақ, ол 2007 ж. «ЖОО үздік оқытушысы» Мемлекеттік грантының, 2009 ж. әл-Фараби атындағы ҚазҰУ сіңірген еңбегі үшін Күміс медаліне, 2013 ж. Құрмет орденінің иегері болды, бүгінгі таңда 200 -ге жуық ғылыми жарияланымның авторы.

Бүгінгі таңда профессор А.А.Жұбанованың бастауымен 2 ғылыми жоба жүзеге асырылуда, бұл жоба ҚР-ның



Конференция жұмысы



«Өнегелі өмір» атты кітаптың тұсау кесер салтанаты

Денсаулық сақтау Министрлігінің қолдауымен Ұлттық биотехнология Орталығымен қаржыланады, жалпы көлемі жылына 6 млн.теңгені құрайды.

Саналы ғұмырын сапалы білім, тәлімді тәрбие беруге арнаған дара туған Ажар Ахметқызының 75 жылдығына арналған әл-Фараби атындағы Қазақ ұлттық университетінде бірқатар жоғары деңгейде өткізілген шаралар ұйымдастырылды - «Өнегелі өмір» атты кітаптың тұсау кесері, Халықаралық ғылыми-тәжірибелік конференция «Биотехнологияның заманауи мәселелері: зертханалық жұмыстан өндіріске» атты және заманауи онлайн конференция «G-global». Ажар Ахметқызының ғылыми танымалдық әсерінен Германия, Ресей, Белорусия, Украина, Өзбекістан, Египет зерттеушілері ауызша ғылыми баяндамалармен, сонымен қатар, отандық ғалымдармен кәсіпкерлер – Астана, Алматы, Қостанай, Ақтөбе және басқа да қалалардан қатысты.



ҚазҰУ өткізілген Халықаралық конференция тек қана университет ғылыми деңгейін көтеріп қоймай, еліміздің де беделін халықаралық деңгейге асқақтатып отырған жайы бар. Әсіресе, шет елден келген ғалымдар мен студенттер қазіргі дүниежүзілік биотехнологиялық ғылыми-техникалық мәселелер жайында өз пікірлерімен, маңызды тәжірибелерімен бөлісіп және ғалымның ғылыми мұрасына қатысты мол мағлұматтар ала алды. Ажар Ахметқызы, Сізді мерейтойыңызбен құттықтай отырып, Тәуелсіз еліміздің білікті мамандарын даярлауда шығармашылық табыс, ұзақ ғұмыр тілейміз.

Авторлар:

ҚазҰУ-нің биотехнология кафедрасының оқытушылары, б.ғ.к. Кайырманова Г.К., б.ғ.д. Заядан Б.К., б.ғ.к. Садвакасова А.К., б.ғ.к. Кистаубаева А.С., б.ғ.к. Акмуханова Н.Р., б.ғ.к. А.С.Баубекова



Ажар Ахметқызы оқушыларымен